

影印
四庫全書

四庫全書

影印

文淵閣四庫全書

第三六一冊

北京出版集團公司
北京出版社

本册目次

平定兩金川方略(二)

清 阿 桂等撰……………一

欽定四庫全書

史部
平定兩金川方略卷六十二至

員外郎_臣顧宗泰覆勘

總校官原任侍講_臣王燕緒

欽定四庫全書

平定兩金川方略卷六十二

六月戊戌

上諭軍機大臣等春寧特成額著帶荷包奶餅往溫福

阿桂軍營分賞並查看打仗情形即回具奏

已亥豐昇額舒常奏言_臣豐昇額察看達爾圖一

帶山梁雖係礮卡排列互相應援其最要緊者惟

與官兵相距之大礮木柵得此要隘其餘自必立

欽定四庫全書

平定兩金川方略
卷六十二

見潰敗是以於本月二十四日夜分派官兵豎立

木植刨挖溝濠埋伏好鎗箭手為進攻時助力之

用至黎明有賊番二三百名從斜坡密林內突出

滋擾被官兵擊斃二三十名其餘受傷逃竄_臣舒

常在日旁亦於是日夜選派奮勇官兵三路前進撲

至溝沿賊番竭力堵禦至黎明時見賊番從礮後

衝出官兵鎗箭齊施亦擊斃多人餘俱竄回死守

奏八

上諭軍機大臣曰豐昇額舒常所奏分勦達爾圖及日旁賊礮雖俱勦殺賊番惜為數尚少不足解恨達爾圖日旁兩處既係賊番要隘亦只能攻打以牽賊勢若欲另為覓間襲攻非但難得機會且恐兵力愈分於事轉屬無益各路賊番現雖守拒甚堅究係叢爾之區力量有限今官兵屢有增添賊番自皆喪胆即或畧需時日亦斷無不能掃蕩之理溫福等各宜勉力為之

欽定四庫全書

平定兩金川方略
卷六十二

辛丑阿桂明亮奏言查附近四川各省如貴州兵前次挑備三千今除赴緯斯甲布軍營二千外尚有一千可供派撥其雲南額兵本有四萬二千上年止調過三千如再約調二千於各邊關換班分駐之處仍屬充裕至湖北湖南實在有兵三萬六千上年止調過五千若再於湖南省調撥五千亦尚易辦通計需調兵丁五千如蒙

恩准

勅下各省督撫挑派迅赴當噶爾拉軍營合以現有兵力則乘間搗虛賊必不能支禦奏入

上諭軍機大臣曰阿桂奏請再調貴州雲南湖廣兵五千為乘間搗虛之計既為此奏朕不肯令作無米之炊所有黔兵一千昨已有旨續調令赴溫福軍營其雲南湖廣各兵二千現亦飛諭各該督撫迅為派撥預備聽候軍營檄調然亦未便專供阿桂之用自當酌量兩處軍營情形撥往於事方有實濟劉秉恬所

欽定四庫全書

平定兩金川方略
卷六十二

駐之簇拉角克與溫福阿桂軍營相距俱不甚遠著即先赴溫福軍營面商需兵若干再赴阿桂軍營面商需用若干一面具奏一面飛咨雲南湖廣督撫速令起程赴該處軍營毋得刻緩

甲辰劉秉恬富勒渾奏言竊查三雜谷屯兵蒙

恩飭議給與月餉以次酌增逾格

隆恩有加無已臣等公同核議該屯弁等自乾隆十七

年改土歸流之後其土守備七員土千總十員土

把總二十員所領之銀足資養贍無庸更議增加
惟土外委四十名每名每年給銀六兩該外委有
約束屯兵之責今各兵按月領餉五錢與外委似
無區別應請將土外委每名各年酌量加銀二兩
則該弁等仰沐

皇仁益當奮力行間用收攻勦之利奏入

勅部議奏旋經戶部議覆請如所奏辦理

上從之

欽定四庫全書

平定兩金川方略
卷六十二

同日溫福奏言六月初二日未刻督臣劉秉恬差

千總張全口稟據布朗郭宗糧員報稱初一日更

時分有賊番滋擾底木達一夜鎗聲不絕董提督

不知作何光景總督處兵少求將軍酌量借兵應

援等語旋於初三日子刻接到劉秉恬來札據糧

員稟報所有底木達山頭官兵帳房俱已不見又

據木波寨番民報稱今早見有賊番三人叫稱底

木達布朗郭宗俱已捨得你們各寨作速投歸之

語看來事在緊急現將登春所有之兵全數點集

帶往接應請撥兵前赴登春木波喇嘛寺等處防

守等語臣思布朗郭宗底木達係小金川舊巢斷

不可任其佔據非勇幹大臣前往辦理恐不能迅

速廓清因與海蘭察籌酌令伊帶同副將成德等

連夜馳赴登春與劉秉恬會商速辦至臣處後路

自林口以至雞拉角克西口並功噶爾拉一帶山

梁處處緊要地險路長須有多兵控扼現在所有

欽定四庫全書

平定兩金川方略
卷六十二

之兵實難再行抽調今底木達各處如果已為賊

佔必須即日奪回方可以挫賊志而靖番情臣已

札知劉秉恬令其飛飭總兵五福於駐札丹壩兵

內酌量抽帶由底木達後路兩下合擊再點兵二

千名臣連日接地方官稟報陸續西出桃關想此

時已過巴肚拉并札知劉秉恬如賊勢非一兩日

即可辦竣兵力尚單即應調來備用更為近便至

董天弼此刻尚無確用臣前聞董天弼赴美諾未

回臣思美諾地居胆裡非比底木達布朗郭宗一帶與金川在在接壤關係至重豈容置之不顧嚴行札飭始據該提督稟報於五月二十四日起身回至布朗郭宗今僅隔數日而果有賊番搶擾之事總緣董天弼於緊要地方竟不在彼駐守以致升兵等漫無防備賊匪得肆鴟張實堪痛恨

同日阿桂明亮奏言准劉秉恬初二日來札稱有賊番襲攻底木達山上官兵帳房俱已不見務祈

撥兵前來彈壓接應臣等詳閱來札賊番侵擾底

木達係在初一日夜而初二日早布朗郭宗糧員

尚在該處遣人稟報則布朗郭宗之無賊可知即

木波寨番民所述未必非賊番大言恐嚇但劉秉

恬來札既稱如此臣等當即抽撥在營兵丁五百

名派令前鋒參領巴克坦布等帶領飛赴美諾以

為聲援並探聽信息相機接應又據署松茂道查

禮稟稱奉總督札令將黔兵二千調來接濟底木

達既有小驚自應聽劉秉恬調此黔兵臨時察看情形酌量撥用均奏入

上諭軍機大臣曰溫福阿桂等奏據糧員稟報賊番滋擾並接劉秉恬札稱現將登春所有之兵前往接應等語賊番既有搶佔之事不可不即奪回今劉秉恬業已親往該處溫福阿桂又均撥兵派令大員帶往協勦其事諒無難辦海蘭察一到自能上緊攻奪倘海蘭察攻打畧羈時日溫福不妨留兵昔嶺等處牽

綴賊勢暫緩該處進攻即親身馳赴底木達奪回碉

寨勦淨賊番溫福等就現在情形妥酌辦理再原調

之黔兵二千現經劉秉恬調取自應即令馳往此兵

一到交與海蘭察帶領攻勦事竣之後即歸溫福一

路應用又昨續調之黔兵一千亦令赴溫福軍營是

溫福一路計已添兵三千足壯聲勢其阿桂奏調之

雲南兵二千徑赴豐昇額軍營湖廣兵二千徑赴阿

桂軍營兩路俱添有新兵自更易於集事所有沿途

應付事宜著富勒渾即速妥辦經理以利進行至董天弼屢經獲罪經朕棄瑕錄用今伊擅離專駐巡防之地回至美諾冀耽安逸其情實為可惡董天弼即著革職拏問派令委員解京治罪

上又諭內閣曰董天弼現在革職拏問四川提督員缺著馬全調補其甘肅提督員缺著法靈阿補授所有肅州總兵員缺交與溫福等選擇軍營出力之員奏請陞補

欽定四庫全書

平定兩金川方略
卷六十二

乙巳阿桂明亮奏言初四日據查禮稟稱喇嘛寺糧臺於初二日夜被圍初三日清晨被陷站員通判汪時被害至底木達布朗郭宗傳聞俱被賊番搶佔據跟隨董天弼之兵色應鳳逃出供稱董天弼于初一日夜見事危急令伊子同屯練二名背印信前來請救董提督隨往官寨存亡不知確耗再總督劉秉恬於木波地方路遇賊番對敵因鉛丸火藥用完不能取勝職道現於崇德牛廠功喀

爾拉一帶繞路運往接濟等語查昨日已刻臣等已派章京將備等帶兵前往尚恐勤洗賊番續安臺站該章京將備等未能悉合機宜查五岱帶兵熟練現復令其帶領土兵星赴美諾明郭宗等處相機夾擊並迅速關通溫福劉秉恬兩處軍臺文報臣等熟察賊情苟非底木達布朗郭宗一帶小金川降番有潛行勾引者金川賊人斷不至如此猖獗臣等一路降番已將精壯之人挑在隨營打仗其餘各本寨內老弱居多現在亦俱安靜但番夷之性究未可信臣等現復添派兵丁於緊要隘口嚴行把守並派妥人至各寨曉諭安撫藉以察其動靜實可無虞意外奏入

欽定四庫全書

平定兩金川方略
卷六十二

上諭軍機大臣曰底木達布朗郭宗兩處若果為賊番侵佔海蘭察一到自必奪回並即通道安臺其事為現在第一要務若尚未辦妥阿桂即親自領兵馳往底木達將此路迅速籌備萬全再辦進攻至底木達

失事皆董天弼辦理不善所致但劉秉恬在彼不早查叅亦未免失之大意溫福等向後益當加意經理于軍務方為有益其喇嘛寺糧員被賊傷害俟此事辦究後再行咨部查明議卹

上又諭內閣曰此次賊番侵擾原屬猝不及防其疎忽尚不足為劉秉恬責惟董天弼本屬罷軟無能之人前經切諭劉秉恬令其留心查察乃董天弼擅離汛守之地退居美諾劉秉恬豈得無聞乎如何不早叅

欽定四庫全書

平定兩金川方略
卷六十二

奏該督之咎實在於此劉秉恬著交部嚴加議處

上諭軍機大臣曰阿桂處派五位領兵前往五位如奮勉出力著海蘭察奏聞將伊授頭等侍衛以示獎勵

同日劉秉恬奏言

臣於本月初三日辰刻據布朗

郭宗兵丁報稱昨夜三更底木達鎗礮聲徹夜不斷天明瞭望山上營壘俱無董提督不知下落布

朗郭宗亦已被圍等語臣聞信之下不勝驚駭隨

派兵往護簇拉角克東口之木波橋一面飛札將軍溫福阿桂速即發兵接濟臣亦即親往察看情形甫行數里即遇隨董天弼之千總龍廷表來稱初一日亥刻後山忽有賊番擲石攀開官兵營盤木柵一擁而進董提督即出營往守底木達礮先令千總前來報信千總翻山峭望已見底木達寨四圍火起臣詢以底木達勢居險要賊番何以竟

欽定四庫全書

平定兩金川方略
卷六十二

敢冒險而來龍廷表稱董天弼若在礮寨駐防賊

番難以窺其虛實因另立營盤兵力又少遂至失

守等語

臣正在訊問間見離

臣營十餘里已有賊

番七集山梁誠恐賊番前至登春肆擾當即回至

營盤將存剩兵丁並調集糧臺人夫分執鎗矛借

壯兵勢申酉時候約有賊番十數名徑來窺伺當

委遊擊李棟綿領兵迎擊賊勢稍退初三日早間

叅贊海蘭察等前來救援維時賊番已據木波橋

所有附近登春站礮寨十餘賊番俱已佔據午間

並有賊番數十人直撲營盤經叅贊海蘭察派委
總兵靜海帶兵擊退初四日又據自布朗郭宗脫
出兵丁報稱布朗郭宗已為賊番佔據又據查禮
差送火藥等項內開喇嘛寺臺站已失糧員遇害
各等語查喇嘛寺臺站被陷糧道業已不通而底
木達布朗郭宗兩處同時失守雖將軍溫福等分
撥官兵亦難即行克復現在黔兵二十名已到臣
飛咨富勒渾速將此項官兵全數調來資用奏入

欽定四庫全書

平定兩金川方略
卷六十二

十三

報

聞
丙午阿桂明亮奏言初五日據查禮稟稱初四日
辰刻溫將軍派有都司守備帶兵來抵崇德大牛
廠防守糧臺等語臣等三四日以來於賊番情形
僅接該道稟帖而溫福處並無來文明係賊番佔
斷軍臺以致不得木果木軍營消息實深懸切酉
刻接劉秉恬初三日來札稱底木達賊衆甚多業

已失守初二日傍晚賊番已抵登春初三日早溫
將軍先撥兵一千名令海叅贊等帶領前來然賊
番等已據木波併搶佔喇嘛寺糧道不通若再將
美諾明郭宗佔據則西南兩路盡行阻梗關係甚
大等語查劉秉恬處既有海蘭察等帶兵一千名
則登春一帶自可無虞但又據查禮報稱賊番已
圍困破碉並及帛噶爾角克碉臣等思賊番如此
猖獗今海蘭察等既帶兵來援若再撥精銳兵丁

欽定四庫全書

平定兩金川方略
卷六十二

十三

交與五岱奮力前進以成夾攻之勢庶可將賊番
痛加殲戮又同時接到海蘭察咨稱初三日聞賊
已往帛噶爾角克碉恐其佔據美諾及明郭宗之
路若從南路派兵佔據明郭宗美諾由喇嘛寺一
路進攻本叅贊即可開通道路等語臣等隨派出
和隆武等帶漢土官兵五百名星夜前往破碉等
處接續五岱之兵總期併力勦殺早開糧道臺站
至美諾明郭宗一帶雖可無虞但該處所有員弁

均非幹練之人革任總兵英泰人尚老成當添派兵一百名令其前赴美諾暫行彈壓防範查底木達布朗郭宗距臣當噶爾拉軍營路程遙遠而距木果木軍營本近此時溫福處援兵漸集克復當亦不難

同日阿桂明亮奏言賊番悍惡狡詐顯肆鴟張實堪切齒不但賊苗賊目等當予寸磔即將其男丁盡行屠洗亦罪所當然此時賊衆雖侵擾底木達

欽定四庫全書

平定兩金川方略
卷六十二

十四

布朗郭宗各處而現在隨軍營之革布什咱巴旺布拉克底明正各土兵未嘗稍有驚疑觀望是金川之不可不滅斷無不滅實可以必操其券至賊境本屬彈丸何以所用火藥鉛丸尚能接濟臣等久已詳加體察查默資溝係革布什咱地方產礦稍多年前為金川所據賊人即于此剗挖礦觔去年三月間克復革布什咱之後默資溝已撥有官兵駐守惟聞正地亦出礦斤然不能如默資溝之

多目下大兵四面合攻賊番所用火藥自當日形缺乏至臣前奉

諭旨以軍營大礮轟擊賊碉漸就破損何不并力轟打碉根查當噶爾拉前敵各營盤內築有高大礮臺對準施放原皆直達碉根但所有打塌碉上石塊墜至碉根日積日厚賊番奸狡異常非但不為除去轉從而加增即為擁護碉根之用大礮至此不能得力賊番又于其內豎立木植遮護死力拒守

欽定四庫全書

平定兩金川方略
卷六十二

十五

但事機一至賊番即有堅碉亦無從守禦臣等此時惟有督勵官兵或繞路夾攻或相機勦撲以期迅速集事

同日博清額富勒渾於六月初五日帶領兵丁刻日趕至碩塘站會同臣博清額督率弁將碩塘二道木橋搭起頭起黔兵五百名星夜前往途次接據明郭宗站員蔡宗達稟稱初三日未刻接准帛噶爾角克糧員鍾邦任稟稱喇嘛寺現賊番佔

據等語臣等查喇嘛寺為溫福後路糧臺且離明郭宗及美諾甚近為兩路軍營一切輓運總匯之地最關緊要臣等率同候補叅將特靈額及貴州副將官福等帶領頭起官兵兼程前進俟至明郭宗相機籌畫策應均奏入

上諭軍機大臣曰阿桂等奏接到劉秉恬信知海蘭察已至簇拉角克地方勦擊賊匪並派和隆武等前往接應所辦俱合機宜溫福阿桂兩處派往之兵已有

欽定四庫全書

平定兩金川方略
卷六十二

十六

二千海蘭察復行知溫福添兵一千而博清額富勒渾所帶之黔兵二千陸續踵至軍聲益壯賊自披靡此次所調黔兵原為添助進剿之用不期於此大得其力亦與從前阿里衮等送馬之兵適到即解兆惠黑水之圍相彷彿此即破賊之先兆也至金川賊衆現於各路防拒官兵焉得復有多人至此一路滋擾據所報登春至木波橋一帶賊已不少其喇嘛寺等處糧臺又有賊番圍佔尚有佔據底木達布朗郭宗兩

處之賊總計之不下千餘或糧員等一聞賊至驚惶無措過涉張皇草木皆兵勢所不免亦不足深責但賊斷不能糾衆遠來自係小金川降番勾引賊至即從而助惡故覺其多此等降番敢於反覆若此事平之後若不悉行誅戮何以使諸番畏威知懼但斬戮太多恐致衆番驚擾務須設法密辦除惡安良方為妥善總之金川賊衆狡惡異常不可不加慎重昨豐昇額等一路已諭其俟續調滇兵到營方可深入即

欽定四庫全書

平定兩金川方略
卷六十二

十七

溫福阿桂兩處或攻得一二險隘有可進取之機亦須照顧後路無虞方不致墮賊番前讓後邀之計其丹壩一路之兵令五福帶領預為堵截原以防賊首從彼軼出但獨當一面恐尚不足恃豐昇額等現在達爾圖日夜攻勦設賊衆守拒甚嚴急切不能攻進或留舒常帶兵在彼牽綴賊勢豐昇額即分兵前往率同五福防堵丹壩一路較為得力是否如此可行不妨商之阿桂溫福不必因朕有此旨強為遷就也

又阿桂另摺奏賊番火藥尚未匱乏之故實不可解
向據奏各路官軍進剿均拋擲火彈聞係皮包實以
火藥引以藥線計一火彈所需之藥不下數斤而所
裝必仍係鎗藥官軍拋擲時不能保藥線之必皆燃
發以火彈之藥供賊番鎗礮之用殊為失算因思鎗
礮之藥性係直轟爆竹之藥性係橫炸若裝火彈時
即按爆竹藥料配用自更有力即或賊番得之以
放鎗必致炸裂是在我即有棄材而在賊轉受實累
此並著將軍等查明妥酌為之

欽定四庫全書

平定兩金川方略
卷六十二

十八

同日海蘭察奏言臣於六月初二日亥刻率兵抵
劉秉恬所住營盤初三日午刻賊來犯營是夜又
兩次侵擾俱被臣等擊敗初四日丑刻自臣劉秉
恬所住營盤河口十五座礮寨俱為賊佔臣等派
兵四路分頭督戰賊番敗走臣等將各寨落盡行
焚毀據定要地並通知將軍溫福處發兵一千令

副都統烏什哈達由帛噶爾角克礮開通道路初
五日臣又將兵八百名令在登春要隘週圍駐劄
此外僅餘兵五百名臣若帶領攻殺於事無益且
營內糧銀均闕緊要自應嚴為防守是以臣候溫
福處兵到竭力夾攻斷截賊番歸路奏入
上嘉之

欽定四庫全書

平定兩金川方略
卷六十二

十九

同日海蘭察劉秉恬奏言現在賊番復將美臥溝
一帶卡倫俱已搶佔而美臥溝與簇拉角克僅隔
一山急須防守要隘以保無虞臣等查李煦常保
住現於登春站帶枷拘禁伊等雖屬無能但打仗
向曾經歷因暫開枷飭令帶兵防駐以資堵禦奏
入
上從之

同日富勒渾奏言臣連接阿桂劉秉恬來札賊番
襲攻底木達亟需黔兵接應令調赴明郭宗文劉
秉恬酌量撥用臣思逆酋誕敢侵擾底木達分我

平定兩金川方畧卷六十二

欽定四庫全書

平定兩金川方畧
卷六十二

官兵進攻之勢實為可恨臣已星飭各起點兵兼程仍赴西路以資勦擊臣即督率頭起前進相機籌畫策應奏入

上嘉之

欽定四庫全書

平定兩金川方畧卷六十三

六月戊申博清額富勒渾奏言初七日亥刻臣等抵明郭宗適將軍阿桂已派五岱和隆武先後帶兵五百餘名來守橋座查此一帶糧站因被賊番阻截督臣劉秉恬奏摺直至初八日始行遞至又詢據將軍溫福賚摺之員稱哲爾覺一帶奏摺均係撥兵護送同日又據報阿思通營卡亦被搶劫科多被賊佔踞新橋亦有賊番攻打各等語現在二起點兵陸續已到明郭宗臣博清額即帶領三百名先赴美諾相機策應哲爾覺一路至明郭宗係各處要隘臣富勒渾督率遊擊穆克登阿等竭力堵禦並飛催後起點兵星夜趲程以資接應奏入

上嘉之

同日博清額富勒渾又奏言臣等正在繕摺具奏

欽定四庫全書

平定兩金川方畧
卷六十三

間據英泰報新橋已失又據崇德站員報亦有賊
者滋擾勢在危急臣富勒渾在明郭宗竭力防範
並將一切情形密寄西路將軍及督臣劉秉恬上
緊備禦奏入

上諭軍機大臣曰博清額富勒渾奏賊番竟敢如此肆
擾實為可恨雖有海蘭察等在彼尚恐未能迅速辦
妥前已有旨令溫福阿桂留兵在當噶爾拉昔嶺各
處牽綴賊勢溫福阿桂即速馳赴底木達一帶上緊

欽定四庫全書

平定兩金川方略
卷六十三

克復若不將此一帶勦辦全完亦斷不宜輕進而於
美卧溝斷賊歸路尤為第一要路海蘭察等必須選
派勇幹將領揀擇精兵五六百名實力堵禦至溫福
阿桂既移兵回擊底木達一帶之賊其昔嶺當噶爾
拉等處賊衆斷無不知或因攻擊稍疎賊將此兩路
守拒之衆撤向底木達等處添助勢力或即于向來
進攻之處乘間出而滋擾更有關係至新添黔兵源
源而進已與五岱會合即當通知海蘭察將自明郭

宗至登春之賊先行勦除使簇拉角克一帶畧無阻
滯將此一併傳諭知之

己酉豐昇額舒常奏言臣豐昇額鑄成五千餘斤
大砲揀擇地勢築立砲臺初五日午刻見賊第四
碉內連放數鎗臣思賊番最惜火藥無端施放必
有鬼域伎倆隨詢之土兵等僉稱金川賊番無故
放鎗不是聚人即係傳知密林內埋伏夾壩暗號
等語臣豐昇額當選派土弁土兵搜捕密林果有

欽定四庫全書

平定兩金川方略
卷六十三

賊二百餘人官兵齊撲進前殺死數人正在擊勦
間望見各賊碉內放烟恐其別有說計復令兵丁
上樹瞭望見坡下有穿白衣賊數十人遂即放鎗
滾石奮勇直追殺死十數名餘多帶傷滾竄至臣
舒常於六月初二日晚時天氣始霽即派兵魚貫
前往直抵碉下濠邊力掀柵木賊番猝不及防俱
上柵木露身堵禦當被我兵鎗箭擊斃十餘人餘
仍竄匿旋見各寨賊番分頭奔救臣今將大小砲

位對準來路接連轟打亦多擊斃伏思賊番惟恃地窖溝濠苟延殘喘今已於棚內高築六七丈砲臺移設大砲向下轟推諒賊必難藏匿再土兵一項在營頗為得力遇有應給之項尤當一時頒發則受者倍覺叩恩而見者亦知感奮今其陣亡者例照漢兵減半卹賞臣等請嗣後預給銀三兩以為掩埋之費於部議卹賞銀兩扣除奏入

上從之

欽定四庫全書

平定兩金川方略
卷六十三

四

同日博清額奏言六月初十日未時接到查禮寄札知兩路將軍站道俱被賊斷理應速通然貴州方到七百五十餘名若分路前進兵力甚單于事恐無裨益現今將軍阿桂兵糧充裕且起後路尚可從打箭爐通行惟將軍溫福喇嘛寺一路現遣烏什哈達等接應自宜速將劉秉恬救出以通驛站臣現即美諾所有兵一千餘名內派出六百於十一日早晨飛令五岱帶至簇拉角克接應烏什

哈達伊等前後加攻必能將賊番勦洗與劉秉恬會和再俟貴州二起兵到時派令和隆武帶兵四百名前往接應約計至十五日可到簇拉角克地方但聞劉秉恬處糧米無多大藥鉛丸亦湏接濟臣即派撥人夫酌量運往並囑五岱等護送前行以免疎失今總督富勒渾在明郭宗辦理督催一切事件而美諾亦係要地臣且暫事住此相機辦理奏入

欽定四庫全書

平定兩金川方略
卷六十三

五

上嘉之

同日阿寶奏言據卓克采站員稟稱六月初一日子刻賊番從大板昭正南山口下來殺傷外委五員搶去卡倫五處初二日早晨又將大板昭西面卡倫佔去是日未時竟將大板昭營盤搶佔官兵多被殺傷臣於拜摺後即馳回覺木交督率防查以期周密奏入

上諭軍機大臣曰賊番搶奪大板昭卡座營盤正與底

木達等處失事時日相同是賊番竟敢設心截我後路搶劫糧臺尤堪切齒大板昭一帶距丹壩較近今賊既至小金川則丹壩一路尚非要地著傳諭五福即速帶兵馳赴大板昭並諭卓克采土司派撥兵練堵禦賊番歸路勿使仍由此路竄回並著溫福等選派勇幹將領帶兵馳往大板昭堵截賊番去路勿使外軼總計賊衆安得如許之多必係將三路要隘守拒之賊潛行撤回應用現據豐昇額等奏初五日早

間賊番無故連放數鎗疑其或有埋伏夾壩聚人等語是必抽減各路賊衆同往底木達一路或竟將空寨棄讓否則看守亦必疎懈豐昇額等原不妨乘便奪據為得寸則寸之計但不宜輕於深入俟雲南新調之二千兵全到軍營再籌進取

上諭內閣曰豐昇額等奏護軍校扎特海前因打仗獲傷遣往成都調養至保崖地方亡故著該部照陣亡

例議卹

庚戌富勒渾奏言賊番現抵明郭宗河口我兵不能過橋喇嘛寺一帶難以進攻惟崇德功噶爾拉一路乘賊番未聚帶兵進攻較為便利且烏什哈達現赴哲爾覺防守兩面夾擊可望早通運道當即飛咨博清額五岱分起帶兵兼程前進臣現在一百督兵堵禦明郭宗河口一面於西北山梁分設卡隘並於兜烏及巴朗拉飛調瓦寺鄂克什土兵協令防守以杜賊番復截後路臣思明郭宗一

處萬分緊要擬將末起點兵留駐以資守禦

同日豐昇額舒常奏言六月初九日接據劉秉恬扎寄賊番已將木波喇嘛寺糧站佔去現在調五福前往大板昭應援臣即飛咨五福令其帶兵運進至丹壩等處已派官達色等往彼防守均奏入上諭軍機大臣曰富勒渾奏言崇德功噶爾拉一路當乘賊番未集帶兵進攻已飛咨博清額五岱兼程前進與劉秉恬會合其末起點兵擬留駐明郭宗守禦